

## MEMORIA XUSTIFICATIVA E ECONÓMICA

---

### CONVENIO A SUBSCRIBIR ENTRE A CONSELLERÍA DO MEDIO RURAL E O CONCELLO DE FORCAREI PARA A REALIZACIÓN DE ACCIÓNS DE PREVENCIÓN E DEFENSA CONTRA OS INCENDIOS FORESTAIS DURANTE O ANO 2026, COFINANCIADO PARCIALMENTE CO FONDO EUROPEO AGRÍCOLA DE DESENVOLVEMENTO RURAL (FEADER) NO MARCO DO PLAN ESTRATÉXICO DA POLÍTICA AGRARIA COMÚN (PEPAC) 2023-2027.

## ANTECEDENTES

A Consellería do Medio Rural, conforme o disposto no Decreto 223/2022, do 22 de decembro, polo que se establece a súa estrutura orgánica, é o departamento encargado de xestionar as competencias inherentes ás medidas de prevención e defensa contra os incendios forestais, de acordo co establecido no Estatuto de Autonomía de Galicia, no seu artigo 27, apartado 10, que dispón que lle corresponde á Comunidade Autónoma galega a competencia exclusiva en materia de montes, aproveitamentos forestais e naturais, sen prexuízo do disposto no artigo 149.1.23 da Constitución.

De acordo coa Lei 3/2007, do 9 de abril de prevención e defensa contra os incendios forestais de Galicia, as competencias da Xunta de Galicia en materia de incendios forestais serán exercidas polo Consello da Xunta e pola consellería competente en materia forestal. Así mesmo, correspóndelle á Xunta de Galicia elaborar o Plan de prevención e defensa contra os incendios forestais de Galicia (PLADIGA) e á consellería competente en materia forestal exercer estas competencias.

Este plan engloba todas aquelas accións encamiñadas a eliminar ou reducir os riscos que poden ser causa da ocorrencia de incendios forestais e da súa propagación e recolle a intensificación da coordinación e cooperación coas administracións locais.

Estas actuacións de colaboración coas entidades locais teñen o seu amparo legal a teor do artigo 80 da Lei 5/1997, do 22 de xullo, da administración local de Galicia e artigo 25 da Lei 7/85, do 2 de abril, reguladora das Bases de Réxime Local, en canto ás competencias en materia de protección do medio ambiente, protección civil e a prevención e extinción de incendios; e consonte ao disposto nos artigos 8 e 59.2 da Lei 3/2007, do 9 de abril, de prevención e defensa contra os incendios forestais de





Galicia que prevén de forma explícita a colaboración e cooperación entre a Xunta de Galicia e os concellos en materia de prevención de incendios forestais.

Neste contexto, a Consellería do Medio Rural no ano 2025 (con vixencia para os anos 2025 e 2026) subscribiu convenios de colaboración coas entidades locais de Galicia cuxos principais obxectivos son:

A cooperación en actuacións preventivas contra incendios forestais mediante a xestión da biomasa vexetal coa aplicación de tratamentos silvícolas nas áreas forestais e de influencia forestal co fin de diminuír a carga de combustible e crear discontinuidades horizontais e verticais para que se consigan modelos de combustibles nos que o lume, en caso de producirse, avance con mais lentitude, menor intensidade e con chamas de menor lonxitude e actuacións de vixilancia e extinción, de acordo cos principios de intervención rápida, acción de conxunto e concentración de esforzos, integrando no dispositivo contra incendios forestais medios e recursos (motobombas e brigadas) das entidades locais.

No ano 2025 a Dirección Xeral de Defensa do Monte estableceu contactos con todos os concellos e mancomunidades de Galicia mediante o envío dunha comunicación a través do Sistema de notificacións electrónicas de Galicia Notifica.gal na que se lles invitou a participar no desenvolvemento das accións de prevención e defensa contra incendios forestais durante os anos 2025-2026. Aquelas que a confirmaron en prazo foron seleccionadas para a sinatura destes convenios segundo os seguintes criterios de operacións vixentes para a subintervención 68812\_08 Colaboración con entidades locais do PEPAC 2023-2027.

O convenio foi autorizado polo Consello da Xunta na sesión do 14.04.2025, na que se aprobou o *modelo tipo* para a súa sinatura con 261 entidades locais. Non obstante, a sinatura definitiva formalizouse con 260 concellos, ao ter renunciado o Concello de Quintela de Leirado á solicitude de colaboración presentada con anterioridade á sinatura do convenio.

Posteriormente, no mes de setembro do 2025, tramitouse a primeira addenda ao convenio tipo que tivo por obxecto a modificación da cláusula décimo sexta para a ampliación do prazo de xustificación dos tratamentos preventivos de xeito mecanizado para a anualidade 2025.

## RELACIÓN DE ACTUACIÓNS CONCRETAS OBXECTO DE COLABORACIÓN

As actuacións concretas que son obxecto dos actuais convenios son as seguintes:

1.- Actuacións en materia de extinción de incendios:

- a) "Vehículo motobomba": vehículo todoterreo equipado con cisterna e bomba de auga.





b) "Labores de vixilancia e defensa": unidade composta por 5 ou 4 persoas que realizarán labores de defensa e extinción de incendios durante un período de operatividade de 3 meses. Para a súa constitución deberán cumprir as condicións establecidas na cláusula oitava.

## 2.- Actuacións en materia de prevención de incendios:

a) "Labores de prevención de xeito manual": traballos de roza manual e/ou de investigación do estado das parcelas das redes de faixas secundarias de xestión de biomasa forestal con redacción do informe de xestión de biomasa consonte co establecido na Lei 3/2007, de 9 de abril, de prevención e defensa contra os incendios forestais de Galicia.

b) "Tratamentos preventivos de xeito mecanizado": rozas mecanizada de matogueira con apeiro rozador de cadeas ou similar acoplado a tractor.

## NECESIDADE DA TRAMITACIÓN DUN NOVO CONVENIO

A presente memoria ten por obxecto xustificar a tramitación dun novo convenio entre a Consellería do Medio Rural e o Concello de Forcarei, ao abeiro do convenio tipo autorizado polo Consello da Xunta, para ampliar as actuacións de prevención e defensa contra os incendios forestais no exercicio 2026, mediante a incorporación desta nova entidade local para esa anualidade, nos seguintes termos:

Este concello non solicitou, no prazo habilitado con carácter xeral, a súa colaboración no marco destes convenios. Posteriormente, con data 06.02.2026, solicitou, a través da sede electrónica, a súa incorporación ao réxime de colaboración mediante a formalización dun convenio coas mesmas cláusulas que os restantes, con vixencia ata o 31.12.2026, e incluíndo para 2026 as actuacións de vehículo motobomba, unha brigada de 5 compoñentes e tratamentos preventivos de xeito mecanizado, cunha superficie de 120 ha.

A incorporación do Concello de Forcarei someterase ao mesmo clausulado do convenio tipo aprobado polo Consello da Xunta o día 14.04.2025, así como ao mesmo sistema de planificación, revisión documental e xustificación.

Este novo convenio xustifícase por razóns de interese público, eficacia preventiva e mellora da cobertura territorial, con base nas seguintes consideracións:

1. A colaboración coas entidades locais permite incrementar a capacidade de prevención de incendios así como a operatividade no territorio para a defensa contra os lumes mediante actuacións coherentes co obxecto do convenio. Trátase dun axuste de planificación que incrementa a eficacia preventiva e contribúe á protección de persoas, bens e valores ambientais.





2. Todas as actuacións solicitadas constitúen unha tipoloxía de actuación xa definida e prevista no propio convenio tipo, polo que a incorporación do concello de Forcarei proposta non introduce unha categoría nova senón que axusta o cadro de actuacións e superficies en función das necesidades manifestadas.

Este novo convenio proposto terá a mesma vixencia que o convenio tipo asinado coas 260 entidades locais, é dicir, finalizará o 31.12.2026.

### **RAZÓNS QUE ACREDITAN O PROCEDIMENTO DE CONCESIÓN DIRECTA**

En relación co disposto no artigo 40.2.a) do Decreto 11/2009, do 8 de xaneiro, polo que se aproba o regulamento da Lei 9/2007, de subvencións de Galicia, as razóns que acreditan o interese público e polo tanto a concesión directa desta subvención deriva de que a realización do maior número posible de actuacións preventivas é de interese, non so para as administracións asinantes, senón para a cidadanía en xeral, dado que, estas tarefas, contribúen a minorar e mesmo a evitar as consecuencias económicas e ambientais dos incendios forestais; que constitúen unha grave ameaza que afecta hoxe en día, de xeito xeral, non só ao patrimonio dos propietarios particulares forestais e de comunidades de montes veciñais, senón tamén aos recursos naturais e ao mantemento e desenvolvemento da actividade humana no medio rural.

### **IMPORTE DA AXUDA:**

O importe por tipos de axuda que a Consellería do Medio Rural achega para o cofinanciamento das actuacións obxecto deste convenio é o mesmo que para o convenio tipo:

1.- Actuacións en materia de extinción de incendios:

- c) "Vehículo motobomba": vehículo todoterreo equipado con cisterna e bomba de auga.
- d) "Labores de vixilancia e defensa": unidade composta por 5 ou 4 persoas que realizarán labores de defensa e extinción de incendios durante un período de operatividade de 3 meses. Para a súa constitución deberán cumprir as condicións establecidas na cláusula oitava.

2.- Actuacións en materia de prevención de incendios:





a) "Labores de prevención de xeito manual": traballos de roza manual e/ou de investigación do estado das parcelas das redes de faixas secundarias de xestión de biomasa forestal con redacción do informe de xestión de biomasa consonte co establecido na Lei 3/2007, de 9 de abril, de prevención e defensa contra os incendios forestais de Galicia.

b) "Tratamentos preventivos de xeito mecanizado": rozas mecanizada de matogueira con apeiro rozador de cadeas ou similar acoplado a tractor.

### ACHEGA ECONÓMICA PARA A EXECUCIÓN DAS ACTUACIÓNS

A Consellería do Medio Rural aportará unha contía de 97.000,00€ para o ano 2026 con cargo á aplicación orzamentaria 15.02.551B.760.0. O importe desagregado segundo natureza dos fondos e código de proxecto en dita aplicación orzamentaria será a seguinte:

Actuacións para o ano 2026				
	Actuación	Número	Duración	Superficie
a)	Vehículo Motobomba	1	3 meses	
b)	Labores de vixilancia e defensa			
	b.1) brigada de 5 compoñentes	1	3 meses	
	b.2) brigada de 4 compoñentes	0		
c)	Labores de prevención de xeito manual	1	3 meses	
d)	Tratamentos preventivos de xeito mecanizado			120 has.





FINANCIAMENTO ANO 2026			
ACTUACIÓNS EN MATERIA DE VIXILANCIA E DEFENSA DE INCENDIOS FORESTAIS			
Tipo de actuación	Importe máximo da axuda no ano 2026	Proxecto contable	Tipo de fondos
a) Vehículo motobomba	15.000,00	2011 00771	Fondos propios da Comunidade Autónoma
b) Labores de vixilancia e defensa	21.000,00	2011 00771	Fondos propios da Comunidade Autónoma
TOTAL ACTUACIÓNS EXTINCIÓN	36.000,00	2011 00771	Fondos propios da Comunidade Autónoma

ACTUACIÓNS EN MATERIA DE PREVENCIÓN DE INCENDIOS FORESTAIS			
Tipo de actuación	Importe máximo da axuda no ano 2026	Proxecto contable	Tipo de fondos
c) Labores de prevención de xeito manual	19.000,00	2025 00134	Fondos FEADER+Colfinanc
d) Tratamentos preventivos de xeito mecanizado	42.000,00	2025 00134	Fondos FEADER+Colfinanc
TOTAL ACTUACIÓNS PREVENCIÓN	61.000,00	2025 00134	Fondos FEADER+Colfinanc
TOTAL ACTUACIÓNS 2026 EXTINCIÓN E PREVENCIÓN DE INCENDIOS FORESTAIS	97.000,00		

## CRITERIOS DE SELECCIÓN DE OPERACIÓNS COFINANCIADAS POLO PEPAC 2023-2027

A entidade local que é de nova incorporación a estes convenios, o concello de Forcarei, cumpre cos criterios de selección de operacións vixentes para a subintervención 68812\_08 Colaboración con entidades locais do PEPAC 2023-2027:

- Criterio 1: Entidades locais que conteñan Parroquias de alta actividade incendiaria (PAAI), cuxa relación e xustificación poderase consultar no PLADIGA:6 puntos
- Criterio 2: Entidades locais que tiveron PAAI nos últimos 10 anos e non as teñan na actualidade: 4 puntos
- Criterio 3: Entidades locais con espazos protexidos en Rede Natura 2000: 5 puntos
- Criterio 4: Concellos que estean declarados como zonas de alto risco (ZAR) segundo a orde do 18 de abril do 2007 pola que se zonifica o territorio con base no risco espacial de incendio forestal:
  - Zonas declaradas de alto risco: 6 puntos
  - Zonas declaradas de medio risco: 3 puntos
- Criterio 5: Entidades locais con obrigas de xestión da biomasa establecidas na normativa autonómica: 6 puntos
- Criterio 6: Mancomunidades de municipios, pola súa labor conxunta e agrupada de actuación favorecendo a coordinación e xerando sinerxías entre varias entidades municipais: 3 puntos





Concello	Criterio 1	Criterio 2	Criterio 3	Criterio 4	Criterio 5	Criterio 6	Total
FORCAREI	0	0	5	6	6	0	17

## FITOS E OBXECTIVOS

Dentro do Plan Estratéxico de Galicia 2022/2030, no eixe 2 Galicia verde e sostible, prioridade de actuación 2.3 "Garantir unha resposta integral ás necesidades da cidadanía en materia de emerxencias, incluídos os efectos do cambio climático, e aumentar a resiliencia fronte aos riscos relacionados co clima e os desastres naturais" están encadrados os obxectivos estratéxicos:

2.3.1. Fortalecer unha resposta integral ás necesidades da cidadanía en materia de emerxencias, protección civil e seguridade pública, así como a resiliencia fronte aos riscos relacionados co clima e os desastres naturais.

2.3.2. Xestión dos riscos ocasionados por incendios forestais mellorando a defensa contra os mesmos e aumentando a resiliencia a través dunha adecuada planificación e prevención. E dentro deste obxectivo, en concreto na liña de actuación estratéxica: planificación preventiva contra incendios forestais na actuación concertada de todas as administracións reforzando as estruturas de extinción e prevención de incendios forestais (por medio da realización de tratamentos preventivos e silvícolas e de vixilancia).

Dentro destes obxectivos estratéxicos, a execución deste convenio contribuirá a acadar os seguintes indicadores de realización:

- Poboación beneficiada pola actuación e que diminúe o seu risco (emprego para labores de prevención).
- Poboación atendida polo sistema de atención de emerxencias.
- Profesionais de intervención antes as urxencias.
- Número de lumes.
- Número de efectivos
- Poboación beneficiada das medidas de prevención de incendios forestais.

Santiago de Compostela, coa data da sinatura dixital

O director xeral de Defensa do Monte

Manuel Francisco Gutiérrez

